



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 112. Blesensis Urbs a Calvinistis capta.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

pias suas contrahunt ad Blesensem urbem, cui se Richelius nupex cum suis incluserat. Sæcul. XVI.
A. C. 1567.

§. CXII.

Blesensis urbs a Calvinistis capta.

Postea Vascones, & Provinciales copiae primo impetu ceperunt Carnotensis portæ suburbia, ubi mox iuxta eam ruina octodecim passuum edita, ac Richelius urbem dedere iussus est: cum vero is id recusaret, missi sub noctem, qui eam propius contemplarentur, sed animadverso facilem quidem extrorsum accessum, sed introrsum descendentibus difficultatem subesse, translata sunt tormenta ad eam portam, quæ Turo-nes respicit, ibique edita spatiosiore, quam antea, ruina, Richelius colloquium poscit, & post longas altercationes re ultro, citroque disceptata, tandem convenit, ut urbs tradita a præda immunis esset, & præsidiarii vita salva cum armis, & impedimentis dimitterentur: nihilominus violata patrum fide plurium ædes a Calvinistis spoliabantur, quamvis Belliduces promissas condiciones adimplere adlaborarent, verum difficile erat lascivientem militem cohibere, præcipue cum in hoc hæreticorum exercitu militaris disciplina penitus soluta esset, nec inter-
Hist. Eccles. Tom. XLVIII. O gra

Sæcul. XVI. gra imperii auctoritas penes Belliduces
 A.C.1567. remaneret.

§. CXIII.

*Carnutum a Principe Condæo Bel-
 siam delato obsessum.*

*Mem. de Ca-
 stell. l. 6. c.
 91.
 Thu. l. 42.*

Capta hac urbe foederati Calvinistæ procedunt Richardi-montem, quod est oppidum ad Carim juxta Cenoncellas situm: cui dum vim facere cogitant, a Condæo Principe, qui in Belisiam Carnutum obsessurus descenderat, revocati protinus discedunt, ut cum eo se conjungerent.

Prodito hoc consilio mox Joannes Lignerius Eques, ac magni nominis Dux cum quinque peditum signis, & duabus Equitum alis, quas Carnius, & Rancius ducebant, Carnutum a Rege mittebatur, qui etiam a civibus in urbem receptus est quinto circiter die, priusquam hostiles copiæ adventassent. Paulopost Ardelesius pariter cum suis copiis urbem ingrediebatur, die autem vigesima tertia Februarii, necnon altera die Condæus Princeps itinere nunquam interrupto, confectisque viginti leucis regios milites inopina vi obrutus Carnutum venit, illudque cinxit primo equidem suburbia, necnon domos fossis vicinas occupabat; eas enim cives hostium adventu, metuque præ-

pediti